

**Predlog Platforme za učešće Kemala Purišića, ministra rada i socijalnog staranja na
10. Međunarodnoj konferenciji "Sarajevo biznis forum 2019"
17.-19. april 2019. godine - Sarajevo, BiH**

Ministar rada i socijalnog staranja, Kemal Purišić, na poziv ministra vanjskih poslova Bosne i Hercegovine, Igora Crnadka i predsjedavajućeg Sarajevo biznis foruma Amera Bukvića, od 17. do 19. aprila učestvovaće na jubilarnoj, desetoj vodećoj poslovno-investicijskoj konferenciji jugoistočne Evrope "Sarajevo biznis forum".

Bosna Bank International (BBI), u saradnji sa svojim dioničarima (Islamska razvojna banka, Dubai islamska banka i Abu Dhabi islamska banka) i drugim međunarodnim partnerima, je organizator godišnje Međunarodne konferencije o poslovanju i investicijama - Sarajevo Business Forum (SBF). Konferencija je prvobitno organizovana 2010. godine i od tada se održava svake godine. Konferencija je pozicionirana kao jedan od najvažnijih poslovnih i investicionih događaja za Jugoistočnu Evropu.

Svake godine sve više državnih institucija, poslovnih kompanija i investitora prepoznaje potencijal Sarajevo Biznis Forum, te je broj učesnika zainteresovanih za biznis mrežu i pronalaženje novih investicijskih prilika u regionu u konstantnom porastu.

Na ovogodišnjem Sarajevo Business Forumu učestvovaće predstavnici institucionalnih investitora, privrednih komora i kompanija, tako da je trodnevna konferencija izuzetna prilika za kreiranje direktnih kontakata zahvaljujući kojima su u prethodnom periodu pokrenute brojne uspješne poslovne priče.

Konferenciji prisustvuju i šefovi država, premijeri i ministri iz zemalja regiona, lideri iz zemalja Evropske unije, kao i Azije.

SBF povezuje institucionalne i privatne investitore i poslovne ljude iz cijelog svijeta s privrednicima i vlasnicima projekata iz Bosne i Hercegovine, Crne Gore, Albanije, Hrvatske, Sjeverne Makedonije, Srbije i Slovenije. Predstavlja platformu za poslovno umrežavanje i istraživanje mogućnosti investiranja i poslovanja u regiji Jugoistočne Evrope sa jednim ciljem da podstakne njen ekonomski razvoj.

Stavovi koje će zastupati ministar rada i socijalnog staranja - predstavnik Vlade:

Ministar Kemal Purišić će govoriti na Panelu 2. "Održivi razvoj".

Agenda održivog razvoja, koju su usvojile sve zemlje članice Ujedinjenih nacija, predstavlja viziju boljeg svijeta i jasnu smjernicu čovječanstvu za unapređenje kvaliteta života u periodu od 2015-2030. godine.

Ona usmjerava razvoj ka eliminaciji siromaštva i gladi, smanjenju nejednakosti i rodnoj ravnopravnosti, unapređenju obrazovanja, ka suprotstavljanju klimatskim promjenama, racionalnoj potrošnji i odgovornom korišćenju resursa, ka ekonomskom osnaživanju, očuvanju biodiverziteta, ka jačanju partnerstava i institucija potrebnih za ostvarivanje ljudskih prava, mira i pravde.

Imajući u vidu ulogu Crne Gore, kao zemlje koja se čvrsto zalaže za promociju evroatlantskih vrijednosti u dijelu Jugoistočne Evrope, ministar Purišić će izraziti stav da se udruživanjem potencijala i kapaciteta zemalja regiona mogu uspješno prevazići naslijeđeni ekonomski problemi i unaprijediti politike koje će doprinijeti boljem kvalitetu života svih građana kao i stabilnosti cijelog regiona.

Ministar će govoriti i o značaju direktnih stranih investicija i u tom smislu predstaviće napore koje Crna Gora ulaže kako bi se kreirao što bolji poslovni ambijent za privlačenje takvih investicija.

Strani investitori u Crnoj Gori imaju nacionalni tretman i država je već definisala povoljan poslovni ambijent usvajajući zakonodavstvo koje prati savremena kretanja, kao što su subvencije za zapošljavanje

određenih kategorija nezaposlenih lica, poreske olakšice i sl., uz istovremeno poštovanje međunarodnih standarda.

Delegaciju čine: Kemal Purišić, ministar i Sead Šahman, samostalni savjetnik u kabinetu ministra

Troškove puta i boravka u Sarajevu snosiće Ministarstvo rada i socijalnog staranja.